

唐  
音  
統  
籤

丙籤十九王維之三

唐音統籤卷九十八

七言古詩

夷門歌

七雄雄雌猶未分攻城殺將何紛紛秦兵益圍邯鄲急魏王不救平原君公子爲嬴停駟馬執轡愈恭意愈下亥爲屠肆鼓刀人嬴乃夷門抱關者非但慷慨獻奇謀意氣兼將身命酬向風刎頸送公子七十老翁何所求

桃源行

漁舟逐水愛山春兩岸桃花夾去津坐看紅樹不

知遠行盡青谿不見人山口潛行始隈隩山開曠  
望旋平陸遙看一處攢雲樹近入千家散花竹樵  
客初傳漢姓名居人未改秦衣服居人共住武陵  
源還從物外起田園月明松下房櫳靜日出雲中  
雞犬喧驚聞俗客爭來集競引還家問都邑平明  
閭巷掃花開薄暮漁樵乘水入初因避地去人間  
及至成仙遂不還峽裏誰知有人事世中遙望空  
雲山不疑靈境難聞見塵心未盡思鄉縣出洞無  
論隔山水辭家終擬長游衍自謂經過舊不迷安  
知峯壑今來變當時只記入山深青谿幾田到雲

林春來遍是桃花水不辨仙源何處尋

隴頭吟

長城少年游俠客夜上戍樓看太白隴頭明月迴  
歸關隴上行人夜吹笛關西老將不勝愁駐馬聽  
之雙淚流身經大小百餘戰麾下偏裨萬戶侯蘇

武纔爲典屬國節旄空

一作落

盡海西頭

燕支行

漢家天將才且雄時來謁帝明光宮萬乘親推雙  
闕下千官出餞五陵東誓將甲第金門裏身作長  
城玉塞中衛霍纔堪一騎將朝廷不數貳師功趙

魏燕韓多勁卒關西俠少何咆勃報讎只是聞嘗  
膽飲酒不曾妨刮骨畫戟雕戈白日寒連旗大旆  
黃塵沒疊鼓遙翻瀚海波鳴笳亂動天山月麒麟  
錦帶佩吳鉤颯沓青驪躍紫騮拔劍已斷天驕臂  
歸鞍共飲月支頭漢兵大呼一當百虜騎相看哭  
且愁教戰雖令赴湯火終知上將先伐謀

老將行

少年十五二十時步行奪取胡馬騎射殺山中白  
額虎肯數鄴下黃鬚兒一身轉戰三千里一劍曾  
當百萬師漢兵奮迅如霹靂虜騎崩騰畏疾隼衛

青不敗由天幸李廣無功緣數奇自從棄置便衰

朽世事蹉跎成白首昔時飛箭當作無全目今日

垂楊生左肘路傍時賣故侯瓜門前學種先生柳

蒼茫古木連窮巷遼一作落寒山對虛牖誓令疏

勒出飛泉不似潁川空使酒賀蘭山下陣如雲羽

檄交馳日夕聞節使三河募年少詔書五道出將

軍試拂鐵衣如雪色聊持寶劍動星文願得燕弓

射天將耻令越甲鳴吾君一作莫嫌舊日雲中守

猶堪一戰立功勛劉云滿篇風致收拾處常歎而短使人情事欲絕又云起結驕

嫩復勝

老語

洛陽女兒行

時年十八

洛陽女兒對門居，纔可容顏十五餘。  
良人玉勒乘驄馬，侍女金盤膾鯉魚。  
畫閣朱樓盡相望，紅桃綠柳垂簷。  
向羅幃送上七香車，寶扇迎歸九華帳。  
狂夫富貴在青春，意氣驕奢劇季倫。  
自憐碧玉親教舞，不惜珊瑚持與人。  
春牕曙滅九微火，九微片片飛花璫。  
戲罷曾無理曲時，妝成祇是薰香坐。  
城中相識盡繁華，日夜經過趙李家。  
誰憐越女顏如玉，貧賤江頭自浣紗。

不遇詠

北闕獻書寢不報南山種田時不登百人會中身  
不預五侯門前心不能身投河朔飲君酒家在茂  
陵平安否且此登山復臨水莫問春風動楊柳今  
人作人多自私我心不說君應知濟人然後拂衣  
去肯作徒爾一男兒

寒食城東卽事

清谿一道穿桃李演漾綠蒲涵白芷谿上人家几  
幾家落花半落東流水蹴踘屢過飛鳥上鞦韆競  
出垂楊裏少年分日作遨遊不用清明兼上巳

故人張誼工詩善易卜兼能丹青草隸頃以



詩見贈聊獲酬之

紀事云諲官至刑部員外郎善草隸書山水與王維

李頎等爲詩  
酒丹青之友

不逐城東遊俠兒  
隱囊紗帽坐彈碁  
蜀中夫子時開卦  
洛下書生解詠詩  
藥欄花逕衡門裏  
時復據梧聊隱几  
屏風誤點惑孫郎  
團扇草書輕內史  
故園高枕度三春  
永日垂帷絕四鄰  
自想一作惜蔡邕今已老  
更將書籍與何人

同崔傅答賢弟

洛陽才子姑蘇客  
桂苑殊非故鄉陌  
九江楓樹幾回青  
一片揚州五湖白  
揚州時有下江兵  
蘭陵鎮

前吹笛聲夜火人歸富春郭秋風鶴唳石頭城周  
郎陸弟爲儔侶對舞前谿歌白紵曲几書畱小史  
家草堂基賭山陰墅衣冠若話外臺臣先數夫君  
席上珍更聞臺閣求三語遙想風流第一人

贈吳官

長安客舍熱如煮無箇茗糜難御暑空搖白團其  
諦苦欲向縹囊還歸旅江鄉鯖鮓不寄來秦人湯  
餅那堪許不如儂家任挑達草屨撈蝦富春渚

送崔五太守

長安廐吏來到門朱文露網動行軒黃花縣西九

折坂玉樹宮南五丈原  
褒斜谷中不容幘  
唯有白雲當露冕  
子午山裏杜鵑啼  
嘉陵水頭行客飯  
劒門忽斷蜀川開  
萬井雙流滿眼來  
霧中遠樹刀州出  
天際澄江巴字迴  
使君年幾三十餘  
少年白晢專城居  
欲持畫省郎官筆  
迴與臨邛父老書

長短句

贈裴迪

不相見不相見來久  
日日泉水頭常憶同攜手  
攜手本同心復嘆忽分襟  
相憶今如此相思深不深

榆林郡歌

山頭松柏林山下泉聲傷客心千里萬里春草色  
黃河東流流不息黃龍戍上游俠兒愁逢漢使不  
相識

新秦郡松樹歌

青青山上松數里不見今更逢不見君心相憶此  
心向君君應識爲君顏色高且閑亭亭迴出浮雲  
間

青雀歌

與盧象崔興宗  
裴迪弟繒同賦

青雀翅羽短未能遠食玉山禾猶勝黃雀爭上下  
唧唧空倉復若何

黃雀癡

黃雀癡黃雀癡謂言青鵲是我兒一一口銜食養  
得成毛衣到大啁啾解遊颺各自東西南北飛薄  
暮空巢上羈雌獨自歸鳳凰九雛亦如此慎莫愁  
思顛顛損容輝

問寇校書雙谿

君家少室西爲復少室東別來幾日今春風新買  
雙谿定何似餘生欲寄白雲中

答張五弟

終南有茅屋前對終南山終年無客常閉關終日

無心長自閑不妨飲酒復垂釣君但能來相往還

雪中憶李揖

積雪滿阡陌故人不可期長安千門復萬戶何處  
蹀躞黃金羈

寄崇梵僧

崇梵僧崇梵僧秋歸覆金春不還落花啼鳥紛紛  
亂澗戶山牕寂寂閑峽裏誰知有人事郡中遙望

空雲山

後二語同  
桃源行

同比部楊員外十五夜遊有懷靜者季

承明少休沐建禮省文書夜漏行人息歸鞍落日

餘懸知三五夕萬戶千門闌夜出曙翻歸傾城滿  
南陌陌頭馳騁盡繁華王孫公子五侯家由來月  
明如白日共道春燈勝百花聊看侍中千寶騎強  
識小婦七香車香車寶馬共喧闐箇裏多情俠少  
年競向長楊柳市北肯過精舍竹林前獨有仙郎  
心寂寞却將宴坐爲行樂儻覺忘懷共往來幸霑  
同舍甘藜藿

送李睢陽

將置酒思悲翁使君去出城東麥漸漸雉子斑槐  
陰陰到潼關騎連連車遲遲心中悲宋又遠周間

之南淮夷東齊兒碎碎織練與素絲遊人賈客信  
難持五穀前熟方可爲下車閉閣君當思天子當  
殿儼衣裳大官尚食陳羽觴彤庭散綬垂鳴璫黃  
紙詔書出東廂輕紈疊綺爛生光宗室子弟君最  
賢分憂當爲百辟先布衣一言相爲死何況聖主  
恩如天鸞聲噦噦魯侯旂明年上計朝京師須憶  
今日斗酒別慎勿富貴忘我爲

騷體

奉和聖製天長節賜宰臣歌應制

太陽生兮照萬方開閭闔兮臨玉堂儼冕旒兮垂



衣裳金天淨兮麗三光彤庭曙兮延八荒德合天  
兮禮神通靈芝生兮慶雲見唐堯后兮稷卨臣匪  
宇宙兮華胥人盡九服兮皆四鄰乾降瑞兮坤獻  
珍

登樓歌

聊上君兮高樓飛薨鱗次兮在下俯十二兮通衢  
綠槐參差兮車馬却瞻兮龍首前眺兮宜春王畿  
鬱兮千里山河壯兮咸秦舍人下兮青宮據胡牀  
兮書空執戟疲於下位老夫好隱兮牆東亦幸有  
張伯英草聖兮龍騰蚪躍擺長雲兮捩迴風琥珀

酒兮彫胡飯君不御兮日將晚秋風兮吹衣夕鳥  
兮爭返孤砧發兮東城林薄暮兮蟬聲遶樹不可  
兮再得君何爲兮惺蹇

贈徐中書望終南山歌

晚下兮紫微悵塵事兮多違駐馬兮雙樹望青山  
兮不歸

雙黃鵠歌送別

天路來兮雙黃鵠雲上飛兮水上宿撫翼和鳴整  
羽族不得已忽分飛家在玉京朝華微主人臨水  
送將歸悲笳嘹唳垂舞衣賓客散兮復相依幾往

返兮極浦尚徘徊兮落暉岸

一作塞

上火兮相迎將

夜入兮邊城鞍馬歸兮佳人散悵離憂兮獨含情

送友人歸山歌二首

山寂寂兮無人又蒼蒼兮多木羣龍兮滿朝君何  
爲兮空谷支寡和兮思深道難知兮行獨悅石上  
兮流泉與松間兮草屋入雲中兮養雞上山頭兮  
抱犢神與棗兮如瓜虎賣杏兮收穀愧不才兮妨  
賢嫌既老兮貪祿誓解印兮相從何詹尹兮可卜

其二

山中人兮欲歸雲冥冥兮雨霏霏水驚波兮翠管

靡白鷺忽兮翻飛君不可兮褰衣山萬重兮一雲  
混天地兮不分樹晻曖兮氛氲猿不見兮空聞忽  
山西兮夕陽見東臯兮遠村平蕪綠兮千里眇惆  
悵兮思君

魚山神女祠歌二首

述征記曰魏嘉平中有神女成公智瓊降弦超

同室疑其有奸智瓊乃絕後五年超使將之洛西至濟北魚山下陷上遙望曲道頭有車馬似智瓊果至洛克復舊好按十道志云魚山一名吾山漢武帝過魚山作歌子歌云吾山平兮巨野溢是也

迎神曲

坎坎擊鼓魚山之下吹洞簫望極浦女巫進紛屢

舞陳瑤席湛清醕風淒淒兮夜雨神之來兮不來  
一作和知神使我心兮苦復苦  
之來兮不來

### 送神曲

紛進拜兮堂前日眷眷兮瓊筵來不語一作兮意  
不傳作暮雨兮愁空山悲急管思繁絃靈之駕兮  
儼欲旋倏雲收兮兩歇山青青兮水潺潺

### 白龜澗

南山之瀑水兮激石潺湲似雷驚人相對兮不聞  
語聲翻澗跳沫兮蒼苔濕蘚老且厚春草爲之不  
生獸不敢驚動鳥不敢飛鳴白龜澗濤戲瀨一作

今委身以縱橫主人之仁兮不網不釣得遂性以  
生成

丙籤十九王維之四

唐音統籤卷九十九

五言律詩一

奉和聖製賜史供奉曲江讌應制

侍從有鄒枚瓊筵就水開言陪柏梁宴新下建章  
來對酒山河滿移舟草樹迴天文同麗日駐景惜  
行杯

從岐王過楊氏別業應教

楊子談經所

一作處

淮王載酒過興闌啼鳥換

一作緩

坐久落花多逕轉迴銀燭林開散玉珂嚴城時未

啓前路擁

一作引

笙歌

從岐王夜讌衛家山池應教

座客香貂滿宮娃綺幔張  
澗花輕粉色山月少燈光  
積翠紗牕暗飛泉繡戶涼  
還將歌舞出歸路莫愁長

早朝

柳暗百花明春深五鳳城  
城烏睥睨曉官井輓轡  
聲方朔金門侍班姬玉輦  
迎仍聞遣方士東海訪蓬瀛

同崔員外秋宵寓直

建禮高秋夜承明候曉過  
九門寒漏徹萬井曙鐘



多月迴藏珠斗雲消出絳河更慙衰朽質南陌共

鳴珂

秋夜獨坐

正音作冬  
夜書懷

獨坐悲雙鬢空堂欲二更雨中山果落燈下草蟲鳴  
白髮終難變黃金不可成欲知除老病唯有學

無生

王元美云王摩詰詩間有失點檢者如此篇  
獨坐悲雙鬢又云白髮終難變及輞中閑居  
兩用白社青門青蕖白鳥塞上作兩用馬字煞  
句他詩往往有之觀者須畧其玄黃取其神檢

春園卽事

宿雨乘輕屐春寒著弊袍開畦分白水間柳發紅  
桃草際成碁局林端舉桔槔還持鹿皮几日暮隱

蓬蒿

淇上田園卽事

屏居淇水上東野曠無山日隱桑柘外河明閭井  
間牧童望村去獵犬隨人還隱者亦何事荆扉乘  
晝關

山居卽事

寂寞掩柴扉蒼茫對落暉鶴巢松樹遍人訪草門  
稀綠竹含新粉紅蓮落故衣渡頭煙火起處處采  
菱歸

春日上方卽事

好讀高僧傳時看辟穀方鳩形將刻杖龜殼用支  
牀柳色春山映梨花夕鳥藏北牕桃李下閑坐但  
焚香

山居秋暝

空山新雨後天氣晚來秋明月松間照清泉石上  
流竹喧歸浣女蓮動下漁舟隨意春芳歇王孫自  
可留

歸嵩山作

清川帶長薄車馬去閑閑流水如有意暮禽相與  
還荒城臨古渡落日滿秋山

劉云已近自然

迢遞嵩高下

歸來且閉關

方虛谷云開適之趣淡薄之味不求工而自工者此也

### 歸輞川作

谷口疎鐘動漁樵稍欲稀悠然遠山暮獨向白雲歸  
菱蔓弱難定楊花輕易飛東臯春草色惆悵掩

柴扉

### 輞川閑居

一從歸白社不復到青門時倚簷前樹遠看原上

村青菰臨水映白鳥向山翻寂寞於陵子桔槔方

灌園

方虛谷云予於摩詰山下孤煙遠村天邊獨樹高原未嘗不心醉與其時倚簷前樹遠看

原上村尤

心醉也

終南別業

一作人山寄城中故人

中歲頗好道晚家南山陲興來每獨往勝事空自

知行到水窮處坐看雲起時

劉云無言之境不可說之味不知者以爲

淡易偶然值林叟談笑無還期

劉云其質如此故自難及後湖集云觀

其詩知其蟬蛻塵埃之中蜉蝣萬物之表

終南山

太乙近天都連山到海隅白雲迴望合青靄入看

無分野中峯變陰晴衆壑殊欲投人處宿隔水問

樵夫

汎前陂

秋空自明迴况復遠人間

一作窠

暢以沙際鶴兼之

雲外山澄波

一作陂

澹將夕清月皓方閒此夜任孤

棹夷猶殊未還

### 鄭果州相過

麗日照殘春初晴草木新牀前磨鏡客樹下灌園人  
五馬驚窮巷雙童逐老身中厨辦麤飯當恕阮家貧

### 晚春嚴少尹與諸公見過

松菊荒三逕圖書共五車京華邀上客看竹到貧家  
鵲乳先春草鶯啼過落花白憐黃髮暮一倍惜

年華

喜祖三至留宿

門前洛陽客下馬拂征衣不枉故人駕平生多掩  
扉行人返深巷積雪帶餘暉早歲同袍者高車何  
處歸

顧可久云言他人以見  
祖之厚非病他人也

黎拾遺昕裴秀才迺見過秋夜對雨之作

促織鳴已急輕衣行向重寒燈坐高館秋雨聞疎  
鐘白法調狂象玄言問老龍何人顧蓬徑空愧求  
羊蹤

慕容承攜素饌見過

唐詩新集  
紗帽烏皮几閑居懶賦詩門看五柳識年算六身  
知靈壽君王賜彫胡弟子炊空勞酒食饌持底解  
人頤

待儲光羲不至

重門朝已啓起坐聽車聲要欲聞清珮方將出戶  
迎晚鐘鳴上苑疎雨過春城了自不相顧臨堂空  
復情

過崔駙馬山池

畫樓吹笛妓金碗酒家胡錦石稱貞女青松學大  
夫脫貂貲桂醕射鴈與山厨聞道高陽會愚公谷



正愚

韋給事山居

幽尋得此地詎有一人曾  
大壑隨階轉羣山入戶  
登庖厨出深竹印綬隔垂藤  
卽事辭軒冕誰云病  
未能

與盧象集朱家

主人能愛客終日有逢迎  
貰得新豐酒復聞秦女  
箏柳條疎客舍槐葉下秋城  
語笑且爲樂吾將達  
此生

遊李山人所居因題屋壁

世上

一作人

皆如夢狂來或

一作止

自歌問年松樹老

有地竹林多藥倩韓康賣門容尚子過翻嫌枕席

上無奈

一作那

白雲何

登裴秀才廸小臺

端居不出戶滿目望

一作空

雲山落日鳥邊下秋原

人外閑遙知遠林際不見此簷間好客多乘月應

門莫上關

冬晚對雪憶胡居士家

一作王勣詩

寒更傳曉箭清鏡覽衰顏隔牖風驚竹開門雪滿

山灑空深巷靜積素廣庭閑借問袁安舍翛然尚

閉關

愚公谷三首

青龍寺與  
黎昕戲題

愚谷與誰去唯將黎子同  
非須一處住不那兩心  
空寧問春將夏誰論西復東  
不知吾與子若箇是  
愚公

吾家愚谷裏此谷本來平  
雖則行無跡還能響應  
聲不隨雲色暗只待日光  
明緣底名愚谷都由愚  
所成

借問愚公谷與君聊一尋  
不尋翻到谷此谷不離  
心行處會無險看時豈有  
深寄言塵世客何處欲

歸臨

登辨覺寺

竹徑從初地蓮峯出化城  
廳中三楚盡林上九江  
平軟草乘趺坐長松響梵聲  
空居法雲外觀世得無生

過香積寺

不知香積寺數里入雲峯  
古木無人逕深山何處  
鐘泉聲咽危石日色冷青松  
薄暮空潭曲安禪制毒龍

過福禪師蘭若

巖壑轉微逕雲林隱法堂羽人飛奏樂天女跪焚  
香竹外峯偏曙藤陰水更涼欲知禪坐久行路長  
春芳

過感化寺曇興上人山院

暮持筇竹杖相待虎谿頭催客聞山響歸房逐水  
流野花叢發好谷鳥一聲幽夜坐空林寂松風直  
似秋

夏日過青龍寺謁操禪師

龍鍾一老翁徐步謁禪宮欲問義心義遙知空病  
空山河天眼裏世界法身中莫惟銷炎熱能生大

地風

晚春歸思

新妝可憐色落日卷羅帷  
鑪氣清珍簟牆陰上玉墀  
春蟲飛網戶暮雀隱花枝  
向晚多愁思閑牕桃

李時

登河北城樓作

井邑傳巖上客亭雲霧間  
高城眺落日極浦映蒼  
山岸火孤舟宿漁家夕  
鳥還寂寥天地暮心與廣  
川閒

使至塞上

銜命辭天闕單車欲問邊

一作單車欲問邊屬國過居延

征蓬出

漢塞歸鴈入胡天大漠孤烟直長河落日圓蕭關

逢候吏

一作騎

都護在燕然

### 漢江臨汎

楚塞三湘接荆門九派通江流天地外山色有無

中郡邑浮前浦波瀾動遠空襄陽好風日

一作風日好

留醉與山翁

一作公

### 涼州郊外遊望

野老纔三戶邊村少四鄰煢娑依里社簫鼓賽田

神灑酒澆芻狗焚香拜木人女巫紛屢舞羅襪自

生塵

千塔主人

逆旅逢佳節征帆未可前  
牕臨汴河水門渡楚人  
船雞犬散墟落桑榆蔭遠田  
所居人不見枕席生  
雲烟

觀獵

姚合稱此詩及送丘爲下第見  
監歸日本三篇爲詩家射鵬手

風勁角弓鳴將軍獵渭城  
草枯鷹眼疾雪盡馬蹄  
輕忽過新豐市還歸細柳營  
迴看射鵬處千里暮  
雲平

雜詩



雙燕初命子五桃新作花王昌是東舍宋玉次西  
家小小能織綺時時出浣紗親勞使君問南陌駐  
香車

丙籤十九王維之五

唐音統籤卷一百

五言律詩二

奉和楊駙馬六郎秋夜卽事

高樓月似霜  
秋夜鬱金堂  
對坐彈盧女  
同看舞鳳凰  
少兒多送酒  
小玉更焚香  
結束平陽騎  
明朝入建章

和尹諫議史館山池

雲

一作

館接天  
居霓裳  
侍玉除  
春池百子外  
芳樹

萬年餘  
洞有仙人錄  
山藏太史書  
君恩深漢帝  
且

莫上空虛

開元二十一年道士尹愔爲諫議大夫  
史館事故詩有莫上空虛之句

酬比部楊員外暮宿琴臺朝躋書閣率爾見

贈之作一作盧照鄰詩

舊簡拂塵看鳴琴候月彈桃源一作花迷漢姓松樹

有秦官空谷歸人少青山背日寒羨君棲隱處遙

望白雲端

酬虞部蘇員外過藍田別業不見畱之作

貧居依谷口喬木帶荒村石路枉廻駕山家誰候

門漁舟膠凍浦獵火燒寒原唯有白雲外疎鐘聞

夜猿

酬嚴少尹徐舍人見過不遇

公門暇日少窮巷故人稀偶值乘藍輦非關避白衣不知炊黍否誰解掃荆扉君但傾茶碗無妨騎馬歸

酬張少府

晚年唯好靜萬事不關心自顧無長策空知返舊林松風吹解帶山月照彈琴君一作若問窮通理漁

歌入浦深

酬慕容上

行行西陌返駐轡問車公夾轂雙官騎應門五尺童老年如塞北強起離牆東爲報壺丘子來人道

姓蒙

酬賀四贈葛巾之作

野巾傳惠好茲貺重兼金嘉此幽棲物能齊隱吏  
心早朝方暫挂晚沐復來簪坐覺器塵遠思君共  
入林

樂城歲日贈孟浩然

見文苑英華

土地窮甌越風光起建寅  
換桃消瘴癘移竹近堦  
堦半是吳風俗仍爲楚歲時  
更逢習鑿齒言在漢

川湄

孟集題有云歲除夜會樂城張少府子容宅意三人同此夜會集

輞川閑居贈裴秀才迪

寒山轉蒼翠秋水日潺湲倚杖柴門外臨風聽暮  
蟬渡頭餘落日墟里上孤煙復值接輿醉狂歌五  
柳前

戲題示蕭氏甥

憐爾解臨池渠爺未學詩老夫何足似弊宅倘因  
之蘆笋穿一作荷葉菱花習鴈兒却公不易勝莫

著外家欺

寄荊州張丞相

所思竟何在悵望深荆門舉世無相識終身思舊

恩方將與農圃藝植老丘園日盡南無

一作飛

鴈何

由寄一言

送趙都督赴代州得青字

天官動將星漢上柳條青萬里鳴刁斗三軍出井陘忘身辭鳳闕報國使龍庭豈學書生輩牕間老

一經

送元中丞轉運江淮

一作錢起詩

薄賦

一作稅

歸天府輕徭賴使臣歡霑賜帛老恩及

卷綃人去問珠官俗來經石蚌春東南御亭上莫

使有風塵

舊本作東南高亭上楊用修改為卸亭丹鉛總錄云卸亭在晉陵吳大帝駐輦

所憩庾信詩卸亭一回望風塵千里昏是也今按庾集卸亭元作御亭如蘇志望亭驛去郡北五十

里先名御亭唐太守李襲譽以庾詩中回望語改望亭則高亭當作御亭或望亭爲是李嘉祐亦有望亭詩也楊云卸亭誤石蛙春用文選石蛙應節而揚葩語

### 送封太守

忽解羊頭削聊馳熊首轡揚舲發夏口按節向吳門帆映丹陽郭楓攢

一作藏

赤岸村百城多候吏露

冕一何尊

### 送邢桂州

鏡吹喧京口風波下洞庭赭圻將赤岸擊汰復揚舲日落江湖白潮來天地青明珠歸合浦應逐使臣星



月二十日  
送梓州李使君

萬壑樹參天，千山響杜鵑。  
山中一夜雨，樹杪百重泉。  
漢女輸幢布，巴人訟芋田。  
文翁翻教授，不敢倚先賢。

送楊長史赴果州

褒斜不容幘，之子去何之。  
鳥道一千里，猿聲十二時。  
官橋祭酒客，山木女郎祠。  
別後同明月，君應聽子規。

送丘爲往唐州

宛洛有風塵，君行多苦辛。  
四愁連漢水，百口寄隨

人愧色陰清晝楊花惹暮春朝端肯相送天子繡  
衣臣

送李判官赴東江

聞道皇華使方隨皐蓋臣封章通左語冠冕化文  
身樹色分楊子潮聲滿富春遙知辨璧吏恩到泣  
珠人

送宇文三赴河西充行軍司馬

橫吹雜繁笳邊風捲塞沙還聞田司馬更逐李輕  
車蒲類成秦地莎車屬漢家當令大戎國朝聘學  
昆邪

送張判官赴河西

單車曾出塞報國敢邀勳  
見逐張征虜今思霍冠軍  
沙平連白雪蓬卷入黃雲  
慷慨倚長劍高歌一送君

送平澹然判官

不識陽關路新從定遠侯  
黃雲斷春色畫角起邊愁  
瀚海經年別交河出塞流  
須令外國使知飲月氏頭

送劉司直赴安西

絕域陽關道胡沙與塞塵  
三春時有鴈萬里少行人

人苜蓿隨天馬葡萄逐漢臣當令外國懼不敢覓  
和親

送方城韋明府

遙思葭莢際寥落楚人行高鳥長淮水平蕪故郢  
城使車聽雉乳縣鼓應雞鳴若見州從事無嫌手  
板迎

送錢少府還藍田

草色日向好桃源人去稀手持平子賦目送老萊  
衣每候山櫻發時同海燕歸今年寒食酒應是  
得返柴扉

送岐州源長史歸

同在崔常侍幕中時常侍已歿

握手一相送心悲安可論  
秋風正蕭索客散孟嘗  
門故驛通槐里長亭下  
權原征西舊旌節從此向  
河源

送崔興宗

已恨親皆遠誰憐友復稀  
君王未西顧遊宦盡東  
歸塞迴山河淨天長雲樹微  
方同菊花節相待洛陽扉

送崔九興宗遊蜀

送君從此去轉覺故人稀  
徒御猶迴首田園方掩

扉出門當旅食中路授寒衣江漢風流地遊人何  
歲歸

送丘爲落第歸江東

憐君不得意况復柳條春爲客黃金盡還家白髮  
新五湖三畝宅萬里一歸人知爾不能薦羞爲一  
作

稱獻納臣

送孟六歸襄陽

一作張  
子容詩

杜門不復

欲一作

出入與世情疎以此爲長策勸君

歸舊廬醉歌田舍酒笑讀古人書好是一生事無

勞獻子虛

送嚴秀才還蜀

寧親爲令子似舅卽賢甥別路經花縣還鄉入錦城  
山臨青塞斷江向白雲平獻賦何時至明君憶  
長卿

送張五諶歸宣城

五湖千萬里况復五湖西漁浦南陵郭人家春穀  
谿欲歸江淼淼未到草萋萋憶想蘭陵鎮可宜猿  
啼

夜更一作

送孫二

郊外誰相送夫君道術親書生鄒魯客才子洛陽

人祖席依寒草行車起暮塵山川何寂寞長望淚沾巾

送孫秀才

帝城風日好况復建平家玉枕雙文簟金盤五色瓜  
山中無魯酒松下飯胡麻莫厭田家苦歸期遠復賒

送友人南歸

萬里春應盡三江鴈亦稀連天漢水廣孤客郢城歸

劉云盡謝點

梁情思蕭然

鄖國稻苗秀楚人菰米肥懸知倚

門望遙識老萊衣



送崔三往密州觀省

南陌去悠悠東郊不少留  
同懷扇枕戀獨解倚門  
愁路遶天山雪家臨海樹  
秋魯連功未報且莫蹈  
滄洲

送李員外賢郎

少年何處去負米上銅梁  
借問阿戎父知爲童子  
郎魚牋請詩賦幢布作衣  
裳薏苡扶衰病歸來幸  
可將

送賀遂員外外甥

南國有歸舟荆門泝上流  
蒼茫葭菼外雲水與昭

丘橋帶城烏去江連暮雨愁猿聲不可聽莫待楚  
山秋

送張道士歸山

先生何處去王屋訪茅君別婦留丹訣驅雞入白  
雲人間若剽住天上復離羣

劉云新意

當作遼城鶴仙

歌使爾聞

同崔興宗送衡嶽瑗公南歸

并序

衡嶽瑗上人者嘗學道於五峯蔭松樓雲與狼  
虎雜處得無所得矣天寶癸巳歲始遊于長安  
手提瓶笠至自萬里燕居吐論緇屬高之初給  
事中房公謫居宜春與上人風土相接因爲道  
友伏臘往來房公旣海內盛名上人亦以此增  
價秋九月杖錫南返扣門來別秦地草木槭然

已黃若悟白雲不日而見湏  
陽有曹谿學者爲我謝之

言從石菌閣新下穆陵關獨向池陽去白雲留故  
山綻衣秋日裏洗鉢古松間一施傳心法唯將戒  
定還

### 留別丘爲

歸鞍白雲外繚繞出前山今日又明日自知心不  
閑親勞簪組送欲趁鶯花還一步一迴首遲遲向  
近關

### 留別錢起

卑棲却得性每與白雲歸狗祿仍懷橘看山免採

微暮禽先去馬新月待開扉霄漢時回首知音青  
瑣闥

被出濟州別城中故人

微官易得罪謫去濟川陰執政方持法明君照

一作

無此心間閻河潤上井邑海雲深縱有歸來日多

一作愁年鬢侵

恭懿太子挽歌五首

肅宗子名佑上元元年薨贈恭懿太子

何悟藏環早纔知拜璧年  
狔天王子去對日聖君  
憐樹轉宮猶出笳悲馬不前  
雖蒙絕馳道京兆別  
開阡

蘭殿新恩切椒宮夕臨幽白雲隨鳳管明月在龍  
樓人向青山哭天臨渭水愁雞鳴常問膳今恨玉  
京留

騎吹凌霜發旌旗夾路陳禮金節節護冊命玉符  
親博士悲香祿君家擁畫輪射熊今夢帝秤象問  
何人

蒼舒留帝寵子晉有仙才五歲過人智三天使鶴  
催心悲陽祿館目斷望恩臺若道長安近何爲更  
不來

西望昆池閣東瞻下杜平山朝豫章館樹轉鳳凰

城五校連旗色千門疊鼓聲金環如有驗還向齒  
堂生

故太子太師徐公挽歌四首

功德冠羣英彌綸有大名軒皇用風后傳說是星  
精就第優遺老來朝詔不名留侯常辟穀何苦不  
長生

謀猷爲相國翊贊奉宸

一作乘

與劔履升前殿貂蟬

託後車齊侯疏土宇漢室賴圖書僻處留田宅仍  
纔十頃餘

舊里趨庭日新年置酒辰聞詩鸞渚客獻賦鳳樓

人北首

一作闕

醉明主東堂哭大臣猶思御朱轅不

惜汗車茵

久踐中台座終登上將壇誰言斷車騎空憶盛衣冠  
風日咸陽慘笳簫渭水寒無人當便闕應罷太師官

故西河郡杜太守挽歌三首

天上去西征雲中護北平生擒白馬將連破黑鵬  
城忽見芻靈苦徒聞竹使榮空留左氏傳誰繼卜  
商名

返葬金符守同歸石窆妻卷衣悲滿翟持翼待鳴

雞客衛都人慘山川駟馬嘶猶聞隴上客相對哭  
征西

塗芻去國門祕器出東園太守留金印夫人罷錦  
軒旌旄轉衰木簫鼓上寒原墳樹應西靡長思魏  
闕恩

吏部達奚侍郎夫人寇氏挽詞二首

束帶將朝日鳴環映牖辰能令諫明主相勸識賢  
人遺挂空留壁迴文日覆塵金蠶將畫柳何處更  
知春

女史悲彤管夫人罷錦軒卜筮占二室行哭度千



門秋日光能淡寒川波自翻一朝成萬古松柏暗  
平原

故南陽夫人樊氏挽歌

錦衣餘翟茀繡轂罷魚軒淑女詩長在夫人法尚  
存凝笳隨曉旆行哭向秋原歸去將何見誰能返  
戟門

過始皇墓

時年十五

古墓成蒼嶺幽宮象紫臺星辰七曜隔河漢九泉  
開有海人寧渡無春鴈不迴更聞松韻切疑是大  
夫哀

聽官鶯

春樹遶宮牆官鶯嚶嚶光

一作春鶯  
次第翔

忽驚啼暫斷

移處弄還長隱葉棲承露攀花出未央遊人未應

返爲此始思

一作思  
思故鄉

卷終

丙籤十九王維之六

唐音統籤卷一百一

五言排律

奉和聖製十五夜然燈繼以酺宴應制

上路笙歌滿春城刻漏長遊人多晝日明月讓燈光  
光魚鑰通翔鳳龍輿出建章九衢陳廣樂百福透  
名香仙伎來金殿都人遶玉堂定應偷妙一作  
艷舞  
從此學新妝奉引迎三事司儀列萬方願將天地  
壽同以獻君王

三月三日勤政樓侍宴應制

綵仗連宵合瓊樓拂曙通年光三月裏宮殿百花

中不數秦王日誰將洛水同酒筵嫌落絮舞袖怯  
春風天保無爲德人歡不戰功仍臨九衢宴更達  
四門聰

天寶十四年三月宴羣臣於勤政樓上賦相梁體詩羣臣畢和先二月祿山陷東京故有不戰之句

奉和聖製與太子諸王三月三日龍池春禊  
應制

故事修春禊新宮展豫遊明君移鳳輦太子出龍  
樓賦掩陳王作杯如洛水流金人來捧劒畫鷁去  
迴舟苑樹浮宮闕天池照冕旒宸章在雲漢

一作表

垂象滿皇州

奉和聖製上巳於望春亭觀禊飲應制

長樂青門外宜春小苑東樓開萬井

一作上輦過

百花中畫鵲移仙仗金貂列上公清歌邀落日妙舞向春風渭水明秦甸黃山入漢宮君王來被袂灞漣亦朝宗

三月三日曲江侍宴應制

萬乘親齋祭千官喜豫遊奉迎從上苑被袂向中流草樹連容衛山河對冕旒畫旗搖浦溆春服滿汀洲仙籞龍媒下神臯鳳蹕留從今億萬歲天寶紀春秋

奉和聖製重陽節宰臣及羣官上壽應制

四海方無事三秋大有年百生逢此日萬壽願齊  
天芍藥和金鼎茱萸插玳筵玉堂開右今天樂動  
宮懸御柳疎秋景城鴉拂曙煙無窮菊花節長奉  
柏梁篇

奉和聖製慶玄元皇帝玉像之作應制

明君夢帝先寶命上齊天秦后徒聞樂周王耻卜  
年玉京移大像金籙會羣仙承露調天供臨空敞  
御筵斗迴迎壽酒山近起鑪烟願奉無爲化齋心  
學自然

奉和聖製幸玉真公主山莊因題石壁十韻

之作應制

碧落風煙外瑤臺道路賒如何連帝苑別自有仙  
家匝地迴鸞駕緣谿轉翠華洞中開日月牕裏發  
雲霞庭養冲天鶴谿流上漢查種田生白玉泥竈  
化丹砂谷靜泉逾響山深日易斜御羹和石髓香  
飯進胡麻大道今無外長生詎有涯還瞻九霄上  
來往五雲車

奉和聖製暮春送朝集使歸郡應制

萬國仰宗周衣冠拜冕旒玉乘迎太宰金節送諸  
侯祖席傾三省褰帷向九州楊花飛上路槐色陰

通溝來預約天樂歸分漢主憂  
宸章類河漢垂象

滿中州

重韻  
誤

春日直門下省早朝

騎省直明光雞鳴謁建章  
遙聞侍中珮閣識令君

香玉漏隨

一作  
催

銅吏天書拜

一作  
問

夕郎旌旗映闥

闔歌吹滿昭陽官舍梅初紫  
官門柳欲黃願將遲

日思同與聖恩長

東谿玩月

月從斷山口遙吐柴門端  
萬木分空霽流陰中夜  
攢光連虛象白氣與風露  
寒谷靜秋泉響巖深青



靄殘清澄入幽夢破影抱空巒恍惚琴牕裏松谿  
曉思難

### 田家

舊穀行將盡良苗

一作田

可希老年方愛粥卒歲

且無衣雀乳青苔井雞鳴白板扉柴車駕羸倬草

屬牧豪豨夕

一作多

雨紅榴拆新秋綠芋肥餉田桑

下憩旁舍草中歸往處名愚谷何煩問是非

### 春過賀遂員外藥園

前年槿籬故新作藥欄成香草爲君子名花是長  
卿水穿盤石透藤繫古松生畫畏開厨走來蒙倒

履迎蔗漿菰米飯  
蒟醬露葵羹頗識灌園意於陵  
不自輕

濟州過趙叟家宴

雖與人境接閉門成隱居  
道言莊叟事儒行魯人  
餘深巷斜暉靜閑門高柳疎  
荷鋤修藥圃散帙曝  
農書上客搖芳翰中厨饋野蔬  
夫君第高飲景晏  
出林間

過盧四員外宅看飯僧共題七韻

三賢異七賢青眼慕青蓮  
乞飯從香積裁衣學水  
田上人飛錫杖檀越施金錢  
趺坐檐前日焚香竹

吟吉甫頌朝夕仰清風

和宋中丞夏日遊福賢觀天長寺卽陳左相  
宅所施之作

已相殷王國空餘尚父谿釣磯開月殿築道出雲  
梯積水浮香象深山鳴白雞虛空陳伎樂衣服製  
虹霓墨點三千界丹飛六一泥桃源勿遽返再訪  
恐君迷

和陳監四郎秋雨思從弟據

嫋嫋秋風動淒淒烟雨繁聲連鳩鵲觀色暗鳳凰  
原細柳疎高閣輕槐落洞門九衢行欲斷萬井寂

無喧忽有愁霖唱更陳多露言平原思令弟康樂  
謝賢昆逸興方三接衰顏強七奔相如今老病歸  
守茂陵園

沈十四拾遺新竹生讀經處同諸公作

閑居日清靜脩竹自檀欒嫩節留餘籜新叢出舊  
欄細枝風響亂疎影月光寒樂府裁龍笛漁家伐  
釣竿何如道門裏青翠拂仙壇

上張令公

珥筆趨丹陛垂璫上玉除步檐青瑣闥方幘畫輪  
車市閱千金字朝開一作問五色書致君光帝典薦

士滿公車伏奏迴金駕橫經重石渠從茲罷角觚  
日復幸儲胥天統知堯後王章笑魯初匈奴遙俯  
伏漢相儼簪裾賈生非不遇汲黯自堪疎學易思  
求我言詩或起予當從大夫後何惜諫人餘

山中示弟等

山林吾喪我冠帶爾成人莫學嵇康懶且安原憲  
貧山陰多北戶泉水在東鄰緣合妄相有性空無  
所親安知廣成子不是老夫身

贈焦道士

海上遊三島淮南預八公坐知千里外跳向一壺

中縮地朝珠闕行天使玉童飲人聊割酒送客乍  
分風天老能行氣吾師不養空謝君徒雀躍無可  
問鴻濛

贈東嶽焦鍊師

先生千歲餘五嶽遍曾居遙識齊侯鼎新過王母  
廬不能師孔墨何事問長沮玉管時來鳳銅盤卽  
釣魚竦身空裏語明目夜中書自有還丹術持論  
太素初頻蒙露版詔特降軟輪車山靜泉逾響松  
高枝轉疎一作頤問樵客世上復何如

送禰郎中

下烟寒空法雲地秋色淨居天身逐因緣法心過  
次第禪不須愁日暮自有一燈然

與蘇廬二員外期遊方丈寺而蘇不至因有

是作

一作王昌齡詩

共仰頭陀行能忘世諦情迴看雙鳳闕相去一牛  
鳴法向空林說心隨寶地平手巾花氎淨香帔稍  
畦成聞道邀同舍相期宿化城安知不來往翻得  
似一作似得無生

青龍寺曇壁上人兄院集

并序

吾兄大開蔭中明徹物外以定力勝敵以惠用  
解嚴深居僧坊傍俯人里高原陸地下映英蓉

之池竹林果園中秀菩提之樹八極氛霽萬彙  
塵息太虛寥廓南山爲之端倪皇州蒼茫渭水  
貫於天地經行之後跌坐而閑升堂梵筵餌客  
香飯不起而遊覽不風而清涼得世界於蓮花  
寄文章於貝葉時江寧大兄持  
片石命維序之詩五韻座上成

高處敞招提虛空詎有倪坐看南陌騎下聽秦城  
雞眇眇孤烟起芊芊遠樹齊青山萬井外落日五  
陵西眼界今無染心空安可迷鴈王

遊化感寺

翡翠香烟合琉璃寶地平龍宮連棟宇虎穴傍檐  
楹谷靜唯松響山深無鳥聲瓊峯當戶折金澗透  
林鳴一作明郢路雲端迴秦川雨外晴原外銜果獻



鹿女踏花行抖擻辭貧里  
眠依宿化城繞籬生野  
蕨空館發山櫻香飯青  
菰米嘉蔬紫芋羹一作綠  
笋莖  
誓陪清梵末端坐學無生

投道一師蘭若宿

一公栖太白高頂出風烟  
梵流諸壑遍花雨一峯  
偏迹爲無心隱名因立教  
傳鳥來還語法客去更  
安禪晝涉松路盡暮投蘭  
若邊洞房隱深竹清夜  
聞遙泉向是雲霞裏今  
成枕席前豈唯暫留宿服  
事將窮年

曉行巴峽

際曉投巴峽餘春憶帝京晴江一女浣朝日衆禽

一作雞

鳴水國舟中市山橋樹杪行登高萬井出眺

迴二流明人作殊方語鶯爲故

一作舊

國聲賴多山

水趣稍解別離情

和僕射晉公扈從溫湯

時爲右補闕

天子幸新豐旌旗渭水東寒山天仗外

一作裏

溫谷

幔城中奠玉羣仙座焚香太乙宮出遊逢牧馬罷

獵見

一作有

非熊上宰無爲化明時太古同靈芝三

秀紫陳粟萬箱紅王禮尊儒教天兵小戰功謀猷

歸哲匠詞賦屬文宗司諫方無闕陳詩且未工長

東郊春草色驅馬去悠悠况復鄉山外猿啼湘水  
流島夷傳露版江館候鳴騶卉服爲諸吏珠官拜  
本州孤鶯吟遠墅野杏發山郵早晚方歸奏南中  
纔忌秋

送李太守赴上洛

商山包楚鄧積翠藹沈沈驛路飛泉灑關門落照  
深野花開古戍行客響空林板屋春多雨山城晝  
欲陰丹泉通號略白羽抵荆岑若見西山爽應知  
黃綺心

送康太守

城下滄江水江邊

一作高高

黃鶴樓朱欄將粉堞江水

映悠悠鏡吹發夏口使君居上頭郭門隱楓岸候

吏趨蘆洲何異臨川郡還勞

一作來

康樂侯

送熊九赴任安陽

魏國應劉後寂寥文雅空漳河如舊日之子繼清  
風阡陌銅臺下閭閻金虎中送車盈灞上輕騎出  
關東相去千餘里西園明月同

送秘書晁監還日本國

并序

舜觀羣后有苗不格禹會諸侯防風後至動干  
戚之舞興斧誠之誅乃貢九牧之金始頒五瑞  
之王我開元天地大寶聖文神武應道皇帝大  
道之行先天布化乾元廣運涵育無垠若華爲

東道之標戴勝爲西門之候豈甘心於節杖非  
徵貢於包茅亦由呼邪來朝舍於蒲萄之館卑  
彌遣使報以蛟龍之錦犧牲玉帛以將厚意服  
食器用不寶遠物百神受職五老告期况乎戴  
髮含齒得不稽顙屈膝海東國日本爲大服聖  
人之訓有君子之風正朔本乎夏時衣裳同乎  
漢制歷歲方達繼舊好於行人滔天無涯貢方  
物於天子同儀加等位在王侯之先掌次改觀  
不居蠻夷之邸我無爾詐爾無我虞彼以好來  
廢關弛禁上敷文教虛至實歸故人民雜居往  
來如市晁司馬結髮遊聖負笈辭親問禮於老  
聃學詩於子夏魯惜車馬孔丘遂適於宗周鄭  
獻縞衣季札始通於上國名成太學官至客卿  
必齊之姜不歸娶於高國在楚猶晉亦何獨於  
由余遊宦三年願以君羹遺母不居一國欲其  
晝錦還鄉莊舄既顯而思歸關羽報恩而終去  
於是稽首北闕裹足東轅篋命賜之衣懷敬問  
之詔金簡玉字傳道經於絕域之人方鼎彝傳  
致分器於異姓之國琅瑯臺上迴望龍門碣石  
館前夏然鳥逝鯨魚噴浪則萬里倒迴鶴首乘

雲則八風御走扶桑若濟鬱島如萍沃白日而  
簾三山浮蒼天而吞九域黃雀之風動地黑蜃  
之氣成雲森不知其所之何相思之可寄嘻去  
帝鄉之故舊謁本朝之君臣詠七子之許佩兩  
國之印恢我王度諭彼蕃臣三寸猶存樂毅辭  
燕而未老十年在外信陵歸魏而逾尊子其行  
乎余贈  
言者

積水不可極安知滄海東九州何處遠

一作萬里

萬里

若乘空向國唯看日歸帆但信風鰲身映天黑魚  
眼射波紅鄉樹扶桑外主人孤島中別離方異域  
音信若爲通

河南嚴尹弟見宿弊廬訪別人賦十韻

上客能論道吾生學養蒙貧交世情外才子古人

中冠上方簪豸車邊已畫熊拂衣迎五馬垂手憑  
雙童花醪和松屑茶香透竹叢薄霜澄夜月殘雪  
帶春風古壁蒼苔黑寒山遠燒紅眼看東侯別心  
事北川同爲學輕先輩何能訪老翁欲知今日後  
不樂爲車公

蜀都賦觴以醪清  
注酒清謂之醪

### 哭褚司馬

妄識皆心累浮生定死媒誰言老龍吉未免伯牛  
災故有求仙藥仍餘遜俗坏山川秋樹苦牕戶夜  
泉哀尚憶青羸去寧知白馬來漢臣修史記莫蔽  
褚生才

過沈居士山居哭之

楊朱來此哭桑扈返於真獨自成千古依然舊四鄰  
閑簷喧鳥鵲故榻滿埃塵曙月孤鶯嚙空山五柳春  
野花愁對客泉水咽迎人善卷明時隱黔婁  
在日貧逝川嗟爾命丘井歎吾身前後徒言隔相  
悲詎幾晨

哭祖六自虛

時年十八

否極嘗聞泰嗟君獨不然憫凶纔稚齒羸疾至中  
年餘力文章秀生知禮樂全翰留天帳覽詞入帝  
宮傳國訝終軍少人知賈誼賢公卿盡虛左朋識



共推先不恨依窮轍終期濟巨川才雄望羔鴈壽  
促背貂蟬福善聞前錄蠟良昧上玄何辜鍛鸞翮  
底事碎龍泉鵬起長沙賦麟終曲阜編域中君道  
廣海內我情偏乍失疑猶見沈思悟絕緣生前不  
忍別死後向誰宜爲此情難盡彌令憶更纏本家  
清渭曲歸葬舊塋邊永去長安道徒聞京兆阡旌  
車出郊甸鄉國隱雲天定作無期別寧同舊日旋  
候門家屬苦行路國人憐送客哀難進征途泥復  
前贈言爲輓曲奠席是離筵念昔同攜手風期不  
暫捐南山俱隱逸東洛類神仙未省音容間那堪

生死遷花時金谷飲月下竹林眠滿地傳都賦傾  
朝看藥船羣公咸屬目微物敢齊肩謬合同人旨  
而將玉樹連不期先掛劍長恐後施鞭爲善吾無  
矣知音子絕焉琴聲縱不沒終亦繼悲絃

雜詩

朝因折楊柳相見洛陽隅  
楚國無如妾秦家自有  
大對人傳玉腕映燭解羅襦  
人見東方騎皆言夫  
堦殊持謝金吾子煩君提玉壺

清如玉壺冰

京兆府試  
時年十九

玉壺何用好偏許素冰居

一作藏冰玉壺  
裏冰水類方諸

未共銷

丹日還同照綺疏  
抱明中不隱含  
淨外疑虛氣似  
庭霜積光言砌  
月餘曉凌飛鵲  
鏡宵映聚螢書  
若向夫君比清心  
尚不如